

Pres Adopt an Addict sra. Audrey Lacle

Fundacion Adopt an Addict tey pa yuda den e problema di adiccion y ta traha a base boluntario

E aspecto di prevencion mester cuminsa na cas.

ORANJESTAD - Fundacion Adopt an Addict tin un tarea special den comunidad. Presidente di e organisacion sra. Audrey Lacle a indica cu nan kier splica cu nan trabou y con nan ta traha. Tin un confusion den comunidad, cu un fundacion ta gana placa of obliga pa haci cierto cosnan. E fundacion a lanta como respaldo pa yuda kita adicto for di den caya, rehabilita nan, pa asina reduci e cantidad grandi di kiero den caya principal.

E fundacion e tempo aya no tabata wak nada pasando riba nivel di gobierno pa atende e caso. Esaki a cambia e ora cu e parti humano ta bin aserca. E sentimento pa e trabou a crece tambe. Mester corda comunidad cu e grupo di Fundacion Adopt an Addict ta traha boluntario. E grupo aki tin nan mesun trabou, nan obligacionnan. E fundacion ta traha boluntariamente. Tin biaha ta sinti cu den pueblo tin confusion den e trabou social cu ta ser haci de e parti aki.

Loke por ser bisa di experiencia ta, cu hopi biaha e parti di adiconan hoben cu a cuminsa experimenta, ta un problema. Mayornan hopi preocupa ta mustra cu e hobennan aki riba no kier bay rehabilita riba un base boluntario. E parti cu mester bay den curatela ta keda den man di mayoman. E grupo hoben ora cu nan keda rehabilita, nan ta cuminsa rebeldia, comokiera cu nan no a "hit Bottom" ainda. Dus nan no sa kico e baho mundo ta. Ta evita pa nan bay mas profundo y cu nan ta cay mas pisa den adiccion y bira mas malo. E colaboracion ey mester bin di parti di e mayor. E fundacion no por pone e persona bou curatela.

E persona mester bai bou curatela y tambe e ora ey mester bin un institucion na Aruba. un institucion sera cu por ricibi nan. E comunidad aki mester tin un "therapeutische ervaar deskundige", esta un persona cu tin e educacion, pero cu tin su experiencia haya caba, cual na Aruba no tin mucho pa esaki. Pues mester di e hendenan pa trata nan, un ayudo mas profesional.

E muchanan cu ta den nan periodo di crecimiento, ta e "wild generation" cu kier experimenta. Nan ta relativamente dificil pa atende cune. Ora un hende tin 28 aña riba caya, bo por convence caba cu e bida ey ta un bida cu bo no mester keda den dje mas. Un persona asina despues di rehabilita, bo por mustr'e cu e ta drumi den cama. E ta come na un mesa. E no ta come den bari di sushi. E ta un persona bek cu su gracia, carisma y e comunidad kier wak na bek asina. E grupo aki bo por convence hopi mas facil pa bay riba un base boluntario, compara cu un persona relativamente hoben.

Berdad tin un preocupacion den comunidad, paso e hobennan ta experimentando demasiado. Sra. Audrey Lacle ta kere cu e base ta keda na e famia, unda cu e mayornan mester gara control bek riba nan yunan. E parti di pone mas atencion na e yunan di parti mayor ta necesario. Si a

scohe pa haya yiu, mester tene cuenta cu e tempo pa uno ta bira menos. Nan tin e obligacion pa e yiu lanta bon y tene na bista constantemente y papia mas riba e aspecto di prevencion.

E fundacion mas bien ta bay pa saca esnan cu ta den e situacion di adiccion caba y no prevencion. E parti di prevencion no ta un trabou di e fundacion. E ta tarea di un bon cas y e laso familiar mester ta hopi bon pa e muchanan ta responsabel pa para riba nan pia. Scohe pa otro cosnan y diversidad di loke ta haci den e ambiente liber. Mester wak unda cu hobennan ta envolver nan mes. Enves di sinta pornada, hobennan mester haci deporte, haci trabou boluntario. Cosnan asina aki ta haci e hoben mas saludabel y eynan e ta yuda. Esey ta cuminsa na cas na prome luga, pero esey a bay perdi.

Tur persona cu ta busca conseho pa wak con por yuda mayor cu yiu den e caso aki. Fundacion



Pres Adopt an Addict sra. Audrey Lacle

Adopt an Addict ta manda e personanan aki na CIAD na FADA, e organisacionnan aki cu ta yuda e muchanan den nos comunidad. Teen Challenge tambe ta un di e organisacion cu pa añanan largo a bin ta haci un bon trabou. E fundeshi ta cuminsa na cas y con cada mayor ta trata cu nan yiu. Un mayor mester wak kico ta su prioridad, esta bay Happy Hour, of comparti tempo cu nan yiu. Hopi biaha por wak e

irresponsabilidad di mayor cu ta sera yiu den auto y bai den casino, bay fiesta of cualkier otro parti.

Na momento cu a scohe pa traha un yiu, e continuidad despues di baby ta keda. Mester lanta e mucha nan pa nan no perde nan norma y balor cu Aruba semper a pone grandemente dilanti, pa asina e ta e base di cualkier pais y hogar. Pesey mester respeta norma y balor di nos mes y tur rond di nos.